



HAYOT DAVOMIDA TA'LIM OLİSH: YANGI
PARADIGMALAR VA KUTILADIGAN NATIJALAR
FAN, TA'LIM VA AMALIYOT INTEGRATSIYASI

ISSN: 2181-1776

Berdiyeva Nargiza Tavmuradovna

Qo'shrabot tuman 85-umumta'l'm maktabi o'qituvchisi

**TA'LIM SAMARADORLIGINI OSHIRISHDA DIDAKTIK
O'YINLARNING AHAMIYATI**

Annotatsiya. Ushbu maqolada ta'larning sifat va samaradorligini oshirishda didaktik o'yinlarning ahamiyati, bolani fanga qiziqtirishning asosiy vositalari, didaktik o'yinlarning turlari va ularni qo'llash usullari haqida ma'lumotlar berilgan.

Kalit so'zlar: Didaktik o'yinlar, harakat, mashg'ulot, dars, baholash, faoliyat, ko'nikma, ta'lim, maqsad, doska.

Bugungi kunda ta'lim tizimiga yangi pedagogik texnologiyalar, interfaol usullar kirib kelmoqda. Bu texnologiyalarning mazmun-mohiyatini, asosiy tamoyillarini, qonuniyatlarini, ulardan samarali foydalanish yo'llarini o'qituvchilarga yetkazib berish pedagogika fani oldida turgan dolzarb muammolardan biridir.

Pedagogik texnologiyalarning markaziy muammosi bola shaxsini rivojlantirish orqali ma'lum maqsadga erishishni ta'minlashdan iborat.

Maktab va maktab yoshidagi bolalarning yetakchi faoliyati bu o'yin faoliyatidir. Juhon pedagogikasida ta'larning o'yin shakli so'nggi paytda keng tarqaldi. Pedagogik adabiyotlarda o'yinlardan foydalaniib, o'quv jarayonini faollashtirishni ko'pincha "faol ta'lim" deb atashadi.

Ma'lumki, 1-sinfga qabul qilinib, maktab ostonasiga ilk qadamini qo'yan bolaning faoliyatida o'yin asosiy o'rinni egallaydi. O'yin ularning eng sevimli mashg'uloti bo'lib, ular har qanday mashg'ulotni o'yin bilan uyg'unlashtirishga harakat qiladilar. O'yin bola hayotining uzviy qismidir. O'yin orqali bola atrof-muhit,



tabiat hodisalari, manzaralari, buyumlar, o'simliklar, hayvonlar dunyosi bilan tanishadi.

Didaktik o'yin – bu murakkab pedagogik hodisa. Didaktik o'yinlar bolalarning kognitiv faolligini oshirishning samarali usullaridan biridir. Eksperimental faoliyatda didaktik o'yin – bolalarning atrof-muhitga kognitiv qiziqishini shakllantirishga yordam beradi, asosiy aqliy jarayonlarni kuzatishni, fikrlashni rivojlantiradi.

Didaktik o'yinlar ta'limiy o'yin sifatida bolalarning yosh xususiyatlariiga mos keladigan o'yinlar sirasiga kiradi. Didaktik o'yinlarning muhim belgisi undagi qoidalarning mayjudligidir. O'yinda o'yin niyati, o'yin qoidalari, o'yin harakatlari o'rtasida uzviy aloqa mayjud. O'yin niyati o'yin harakatlarining tabiatini belgilaydi. O'yin qoidasi, o'yin harakatlarini, vazifasini hal etishga va o'yindagi harakatlarni amalga oshirishga yordam beradi.

Didaktik o'yinlar orqali bolalarga yangiliklar, yangi bilimlar, tushunchalar berib boriladi. Bu o'yinlarda bolalarning har tomonlama rivojlanishi, bilim jarayoni, nutq faoliyati, aqliy qobiliyatları takomillashib boradi. O'yin qoidasiga rioya qilish, unga amal qilish o'yin mazmunini boyitadi.

Didaktik o'yinlarda tabiiy narsa va buyumlardan keng foydalaniлади. Bolaning kun tartibida didaktik o'yin uchun vaqt va joy ajratilishi kerak. Bunday o'yinlar mashg'ulot jarayonida va o'yindan tashqari vaqtarda guruh yoki yakka-yakka o'tkaziladi. Bunda o'yin mazmuni va natijasi puxta aniqlanadi. Didaktik o'yinlarda quyidagi qoidalarga amal qilish kerak:

1. Navbatma-navbat ta'sir etish;
2. So'ralganda javob berish;
3. O'rtoqlari fikrini eshitma olish;
4. O'yin jarayonida boshqalarga xalaqit bermaslik;
5. O'yin qoidasini bajarish;
6. O'z xatosini tan olish.

Didaktik o'yinlarda bolalarning yosh xususiyatlarini, individual xususiyatlarini hisobga olish lozim. Kattalar tomonidan o'yin ishtirokchilarini to'g'ri baholash muhim ahamiyatga ega. Darsda qo'llaniladigan o'yinlar va o'yin mashqlari bolalarda quvnoq mehnatkash kayfiyatni yaratadi, o'quv materialini o'zlashtirishdagi qiyinchiliklarni yengib o'tishga yordam beradi, ijobjiy his-tuyg'ularni uyg'otadi.

Didaktik o'yin ta'lim va tarbiyaning boshqa shakllari bilan birlashtirilgan va o'zaro bog'liq bo'lган yaxlit pedagogik jarayonning bir qismidir. Bolalar nutqini rivojlantirish uchun o'yinlar va mashqlar ishlab chiqilgan. Ta'lim jarayonida didaktik o'yinlar o'quvchilarining xususiyatiga ko'ra tashkil etilishi kerak. Bu esa ularga bilim berishni yengillashtirishga, ko'rgazmalilikni ta'minlashga qaratilgan bo'lib, o'quvchilarни toliqtirmaslik, zeriktirmaslik imkonini beradi. Ta'lim jarayonida qo'llaniladigan didaktik o'yinlar 2 xil tasniflanadi:

1. Mazmuniga ko'ra;
2. Amalga oshirish shakliga ko'ra.

Boshlang'ich ta'lim davrida o'quvchilarining aqliy va jismoniy faoliyatini tashkil qilishda didaktik o'yinlar alohida ahamiyatga ega. Shuningdek, har fanning o'ziga xos bo'lган didaktik o'yinlari bor. Jumladan, matematika darslarida didaktik



o‘yinlardan foydalanish o‘quvchilar zehnini o‘sirish, tez hisoblash ko‘nikmalarini oshirishda muhim ahamiyatga ega.

Matematika darsida foydalanishi mumkin bo‘lgan didaktik o‘yinlardan namunalar keltirib o‘tamiz:

1. “Jim” o‘yini

O‘yining maqsadi: O‘quvchilarning o‘n ichida “+”, “-” belgilari haqidagi bilim va malakalarini oshirish, sinash. O‘yin guruhlarda o‘ynaladi.

O‘yin jahozi: raqamlar yozilgan tarqatmalar, misollar, jadval.

Jadvallar doskaga osib qo‘yiladi, doskaga bo‘r bilan yoziladi. O‘yin ovoz chiqarmagan holda o‘tkaziladi. O‘qituvchi ko‘rsatkich barmog‘i bilan 7 va 5 ni ko‘rsatadi. O‘quvchilar o‘ylab turib, ularning ayirmasini, ya’ni 2 ni ko‘rsatadi.

2. “Bilmasvoyning xatolari” o‘yini.

O‘yining maqsadi: O‘quvchilarning o‘n ichida “+”, “-” ishorasi haqidagi bilimlarini mustahkamlash, bilim va malakalarini mustaqil fikrlash qobiliyatlarini o‘sirish.

O‘yining borishi: Doskaga ifodalar yoziladi. Har bir qatordan bir nafardan o‘quvchi doskaga chiqadi. Doskaga bir nechta ifodalarning noto‘g‘ri javoblari yozilgan bo‘ladi. Doskaga chiqqan o‘quvchi xatolarni tuzatadi.

Masalan: $10-7=4$ $7-3=5$ $3+2=6$ $4+3=8$

3. “Kim epchil” o‘yini

O‘yining maqsadi: Hozirjavoblik, topqirlik malakalarini oshirish.

O‘yin jahozi: 2 ta savatcha, ifodalar yozilgan olmalar.

Masalan: $12-6$ $7+5$ $10-3$
 $2+8$ $4+8$ $20-5$ va hokazo

Stol ustida **olmalar** yozib qo‘yiladi. Doskaga 2 nafar o‘quvchi chiqadi. Stol ustidagi **olmalardagi** ifodalarning natijalarini aytib savatga sola boshlaydilar. Ifodaning qiymatini to‘g‘ri topmagan o‘quvchi ularni savatga sola olmaydi. Qaysi o‘quvchi savatga ko‘p **olma** tergan bo‘lsa, o‘sha o‘quvchi g‘olib bo‘ladi.

4. “Bu qaysi shakl” o‘yini.

O‘yining maqsadi: Geometrik shakllar bilan tanishtirish. Ularga ta’rif berish malakasini oshirish. Og‘zaki nutqini rivojlantirish.

O‘yin jahozi: Konvertlarga solingan geometrik shakllar.

O‘yining borishi: Doskaga bir o‘quvchi chiqadi. Konvertdagи shakllarning qaysi shakl ekanini ko‘rib olib, o‘quvchilarga murojaat qiladi. “Qo‘limdagи geometrik shaklning uch tomoni, uch burchagi bor, uning tomonlari har xil uzunlikda bo‘lishi ham mumkin. Bu qaysi shakl?”

Shaklga to‘g‘ri ta’rif bergen va shaklning nomini to‘g‘ri topgan o‘quvchi rag‘batlantiriladi.

Xulosa qilib aytganda, didaktik o‘yinlar yosh avlodning axloqiy tarbiyasiga katta e’tibor beradi. Bolalar kattalar mehnati natijasida atrofdagi narsalarga g‘amxo‘rlik qilishni o‘rganadilar, ijtimoiy xulq-atvor me’yorlari, tengdoshlar va kattalar bilan bo‘lgan munosabatlар, turli xil shaxsiy xususiyatlar haqida tushunchaga ega bo‘ladilar.

**Foydalanilgan adabiyotlar**

1. Ruzikulova N., Raxmonov U., 1-sinf Matematika. O‘qituvchilar uchun metodik qo‘llanma Toshkent 2021y.
2. O‘rinboyeva L., Jumayev M., Ruzikulova N., 1-sinf Matematika Umumiyl o‘rta ta’lim maktablarning 1-sinfi uchun darslik Toshkent 2021
3. O‘rinboyeva L., Jumayev M., Ruzikulova N., 3-sinf Matematika Umumiyl o‘rta ta’lim maktablarning 1-sinfi uchun darslik Toshkent 2021